



Istinomjer Zastone &lt;istinomjer@zastone.ba&gt;

---

## Medijski upit - Istinomjer

---

fedstat <fedstat@fzs.ba>  
To: istinomjer@zastone.ba

Mon, Dec 18, 2023 at 10:36 AM

Poštovani,

Prema podacima Popisa stanovništva, domaćinstava i stanova u BiH 2013. godine općina Vogošća je imala ukupno 26.343 stanovnika.

U Popisu 2013. godine po prvi put je za utvrđivanje ukupnog broja stanovništva primijenjen koncept „uobičajenog stanovništva“. Po ovom konceptu osoba se smatra stanovnikom onog mjesta/općine u kojem provodi najveći dio svog vremena, odnosno dnevno / noćni odmor, nezavisno od toga gdje ima prijavljeno prebivalište. Time su u ukupno stanovništvo određenog mjesta/općine uključene osobe koje su u tom mjestu živjele neprekidno najmanje godinu dana prije kritičnog momenta popisa, kao i osobe koja su u tom momentu živjele kraće od 12 mjeseci s namjerom da u tom mjestu ostanu najmanje godinu dana.

Na bazi rezultata Popisa 2013 Federalni zavod za statistiku [godišnje](#) objavljuje procijenjeni broj stanovnika po općinama sa stanjem sredina godina, a pri izradi procjena koriste se sljedeći podaci:

- Popis stanovništva 2013
- statistika rođenih
- statistika umrlih
- statistika migacija stanovništva.

Podaci o migracijama stanovništva temelje se na bazi podataka koja je preuzeta od IDDEEA-e (Agencija za identifikacijske dokumente, evidenciju i razmjenu podataka Bosne i Hercegovine), na osnovu evidencija o promjeni prebivališta/boravišta građana.

Osnov za izračun procjena broja stanovnika za tekuću godinu je procijenjeni broj stanovnika za prethodnu godinu.

Prema našim saznanjima IDDEEA u svojim evidencijama ima i ono stanovništvo koje ima prijavljeno prebivalište/boravište, a koje je iz mjesta prebivališta/boravišta odsutno jednu, dvije, tri ili čak više godina, jer nije provedena odjava prebivališta.

Zbog svega navedenog broj stanovnika općine Vogošća prema evidenciji IDDEEA može biti veći od procijenjenog broja stanovnika koje Federalni zavod za statistiku izrađuje i objavljuje u svojim publikacijama.

S poštovanjem,

**Federalni zavod za statistiku**  
Institute for statistics of FBiH

**Tel:** +387 33 20 64 52. **Fax:** +387 33 22 61 51  
**Adresa:** Zelenih beretki 26. 71000 Sarajevo, BiH  
**Web:** www.fzs.ba



**From:** Istinomjer Zastone [mailto:istinomjer@zastone.ba]  
**Sent:** Friday, December 15, 2023 11:20 AM  
**To:** emir.imamovic@fzs.ba; hidaeta.colovic@fzs.ba  
**Subject:** Medijski upit - Istinomjer

Poštovani/a,

obraćam vam se s portala Istinomjer.ba.

Iz Općine Vogošća dobili smo podatak da je u januaru 2023. godine "broj lica sa aktivnim prebivalištem" iznosio 35.096, a da broj lica s "aktivnim boravištem na području općine Vogošća iznosi 87".

Kao izvor, navode podatke koje im je ustupila IDDEEA.

Federalni zavod za statistiku u saopćenju "Procjena ukupnog broja stanovnika u Federaciji BiH, po kantonima i općinama, stanje sredina godine" navodi da procjena broja stanovnika u općini Vogošća iznosi 29.498, što je dosta velika razlika.

U metodologiji se navodi da se podaci o migraciji stanovništva temelje na bazi podataka IDDEEA-e. S tim u vezi možete li nam odgovoriti na sljedeća pitanja:

- Zbog čega se podaci o broju stanovnika u Općini Vogošća koje je objavio Federalni zavod za statistiku značajno razlikuju od podataka o prebivalištu kojima raspolaže IDDEEA?
- Da li se podaci o broju registrovanih prebivališta kojima raspolaže IDDEEA mogu koristiti kao relevantni kada je riječ o broju stanovnika?

Unaprijed hvala na odgovoru.

S poštovanjem,

--

**Sanjin Mahmutović**

Istraživač

**Telefon:** +387 33 618 461  
**Adresa:** [Gabriele Moreno Locatelli 21](#),  
71 000 Sarajevo, Bosna i Hercegovina

Email secured by Check Point

=

Email secured by Check Point

Email secured by Check Point

Email secured by Check Point